

聖濟總錄


百卅七卅八

庫文閣内  
三三  
漢

内閣文庫	
番號	漢 12609
冊數	200 (137)
函號	300 212









大學東  
校典籍  
局印

大德重校聖濟總錄卷第一百二十七  
滄腫門

諸癰

伐指

日本  
醫學  
圖書

總錄一百三十七







謂之牛皮癬狗癬白點而連綴刀癬縱斜無定形凡此八者皆風濕毒氣折於肌中故痛痒不已久而不差又俱謂之久癬

治多年諸癬醫治不効者烏蛇丸方

烏蛇

酒浸去皮骨炙

天麻

各實兩

槐子

半斤

附子

生去皮臍小便浸宿

白附子

炮各壹兩

乾蠍

炒

白僵蠶

炒

羌活

去蘆頭

乳香

研各壹兩半

苦參

拾兩

右一十味搗羅為細末用生薑自然汁和蜜各一斤熬成膏入前藥和搗丸如梧桐子大每服二十九空

心溫酒下夜臥荆芥湯下

治一切癬槐芽丸方

槐牙

暴乾

皂莢芽

暴乾各壹斤

苦參

參兩

使君子

暴乾

防風

去義

羌活

去蘆頭各壹兩半

烏蛇

壹條酒浸去皮骨炙

右七味搗羅為末鍊蜜丸如梧桐子大每服二十九

空心溫酒下至晚再服

治一切乾濕癬三味烏蛇散方

烏蛇

酒浸去皮骨炙壹兩

乾荷葉

半兩

枳殼

去瓤炒參分

右三味搗羅為散每服一錢匕空心蜜酒調下日晚



再服

治一切風癬皮膚瘙癢苦參丸方

苦參水浸一宿剉焙烏蛇酒浸去皮骨炙各肆兩

芎蒲兩

右三味搗羅為細末鍊蜜丸如梧桐子大每服三十

丸溫熱水下不拘時

治一切癬三神丸方

蒺藜子炒海桐皮剉草烏頭鹽炒熟去鹽不用各壹兩

右三味同搗為細末麩糊和丸如棗豆大每服十九至十五丸溫酒鹽湯任下

治一切風癬煮腎散方

附子炮裂去皮臍椒紅各半兩

右二味同搗為細末用豬腎一對竹刀切開去筋膜

每隻入藥末一錢匕鹽一捻相合布線纏縛以好酒

一盞於瓷器內煮約七八分熟五更初不得漱口及

語話去線旋旋嚼細呷煮藥汁送下食少白粥投之

當晚微利次日煮熟喫須連日服服盡再作

治一切癬防風散方

防風去母豬肉各貳兩

右二味同煮數沸去豬肉取防風焙乾搗羅為散每



服一錢匕白湯點服不拘時

治一切癬苦參丸方

苦參 用皂莢拾挺推碎同以水煮皂莢爛為度揀出苦參切暴乾將皂莢汁濾去滓再熬成膏

威靈仙 洗澤暴乾

右二味搗羅為末以皂莢膏和丸如梧桐子大每服

二十九空心溫酒下至三十九

治一切癬菖蒲酒方

菖蒲 細切

右一味以水一石五斗煮取三斗去滓入醞米二斗

如酒法候熟旋取飲令極醉即愈

治乾癬一抹散方

天南星 各壹枚 草烏頭 生用

右二味搗為細散用羊蹄根搗絞自然汁調塗不過

三兩上差

治一切乾濕諸癬歲久不差蛇牀子湯浴方

蛇牀子 白土 羊蹄根

葛根 苦參 菖蒲

莽草 各參 黃連 去須

右八味細剉以水五斗煎至三斗濾去滓溫暖淋洗

癬上三日後重煖藥湯更洗之不過三五度差



治一切癬漏蘆膏方

漏蘆以木地榆煎至三兩附子去皮

杏人湯浸去皮尖各壹兩 藜蘆去蘆頭

水通 莽草 白芷

吳茱萸 細辛去苗葉 蜀椒去目并合口

蠟各貳兩 清油壹斤

右一十三味細剉十一味先熬油令沸下諸藥煎候

白芷赤黑色停冷綿絞去滓拭鏹令淨再下油并蠟

同煎候蠟鎔盡瓷合盛收旋塗患處仍用後丁香散

粉之日三五上差

治一切癬塗漏蘆膏後宜傅丁香散方

丁香搗末 蝦蟇灰各壹兩 麝香研壹分

五倍子搗末 白礬熬令汁枯研 膩粉各半兩

右六味合和為散傅於癬上以差為度

治一切癬抵聖散方

草決明焙搗末 膩粉壹分

右二味合和為散先以布揩癬令赤次以醋調藥塗

之當汁出痛解即差

治乾濕癬風癬不拘年月定粉膏方

定粉 水銀 白蕪荑



烟脂各壹分

右四味同研令勻用陳豬脂一兩同研成膏先用湯

洗後以膏子臨臥塗之一上便差本法豬脂須用十

年以上者今若無但陳者亦得仍用後方淋洗

棟實半升無實用根皮代棟葉及嫩枝剉凌霄葉及藤剉各壹升

丹參剉枳殼去瓢蛇牀子

地榆剉皂莢各參兩並細剉苦參參兩細剉

右九味同煎濃汁熱洗患處

治一切新久乾濕癬癩蠶散方

白蠶炒去絲肆拾枚斑猫貳拾枚全用膩粉壹錢

右三味擣研為細末乾癬用生油調塗濕癬只乾搯

貼之並候黃水出及數數痒痛永除根本亦無癩痕

治一切乾濕癬如聖散方

風化石灰半兩鉛丹貳錢膩粉壹錢

石硫黃半錢

右四味同研如粉用生油調先以布搯破癬塗之未

塗藥間煎葱白甘草湯淋洗如換時亦依此

治一切乾濕癬沉香瀝方

沉香剉栢節剉杉節剉

松節各半斤



右四味剉如指面大以布囊盛置於漚麻水中浸一食久漉出瀝乾取一枚白坩穿底下作一孔如雞子大以松葉一枚安孔上以藥囊坐坩內以鹽一升蓋止以黃泥固濟坩令厚三五分以炭火於坩口燒之坩下安椀一口滴藥汁於椀中候煙盡即取坩中藥汁塗傳瘡癬上日三五次以差為度白禿疽疥惡瘡並治之

治一切乾濕癬梅實膏方

烏梅拾肆枚取肉

大蒜拾肆頭去皮切

屋塵細篩

鹽各參合

右四味先研烏梅次下大蒜屋塵鹽等和研令細以醋調成膏取塗癬上日三五度即差

龍腦

石硫黃

斑貓去翅足

膩粉各半兩

右四味細研為末用面油調成膏發痒痛時抓破塗之日三五度即差

治一切乾濕癬胡粉膏方

胡粉貳兩

水銀壹分

右二味和研令勻以醋調成膏塗之仍以紙貼日三



五上

又方

蛇牀子

馳脂

右二味先研蛇牀子令細以馳脂調成膏塗之日三

五上即差

治一切癬不差水銀膏方

水銀斤半

臘月豬脂貳斤

右二味先熬脂令鎔次下水銀以馬通火熬七日七  
夜候冷取出去水銀只取豬脂每日三五度摩塗癬  
上令熱即差其水銀不妨侗用

又方

乳牛尿升

羊蹄根半斤

右二味將羊蹄根先以米泔清漬一宿暴乾次內牛  
尿中漬一宿暴乾再漬再暴尿盡為度擣羅為末以  
豬脂調塗癬上日三五次

又方

烏頭拾枚

右一味剉碎以水五升煮至一升溫洗癬上日三度

即差

治一切久癬積年不差四畔潛侵復變成瘡瘡包赤黑



痒不可忍搔之血出黃連膏方

黃連去須為末 黃蘗去蟲皮為末 豉研細

蔓菁子為末 杏人湯浸去皮尖雙

水銀錢壹

右六味先以水銀於掌中唾研如泥次入乳鉢內下生油一合和勻次入藥末同研成膏瓷合盛日三五度取塗癬上即差

治一切癬狼牙膏方

狼牙搗 雄黃研 丹砂研

硫黃研 雷丸搗 白礬熱令汁

藜蘆去蘆頭搗各壹分

右七味細羅為散蜜調成膏塗癬上日三徧取差為度

治一切癬雀糞塗傳方

雀糞水洗令淨各半兩 醬水洗令淨各半兩

右二味合和細研塗傳癬上日三兩次

治一切癬水銀膏方

水銀壹分 蕪荑人研末 薑黃搗末各半兩

右四味先煎酥和水銀以柳椎研攪候水銀散即下



燕萆薑黃末攪勻瓷合盛旋取塗癬上日三兩次  
治一切癬雄黃膏方

雄黃末研

石硫黃末研

羊蹄根者濕

沙糖色白者

荷葉新者各

右五味先以羊蹄根白糖荷葉於乳鉢內細研如泥  
次入雄黃硫黃末同研成膏瓷合盛取塗癬上日三  
度如藥乾旋添少許蜜調之

治一切癬附子散方

附子

炮裂去皮

皂莢

壹挺去皮

吳茱萸

湯洗焙

右三味搗羅為散先用新布揩癬令濕然後塗藥日

三兩上如乾癬以醋調塗

治一切癬獨活散方

獨活兩半

附子

炮裂去皮

右二味搗羅為散以酒調和如糊先用皂莢水洗癬  
上然後塗之日二度

治一切癬大黃散方

大黃

如棗大

斑貓

全者

右二味搗研為細散以醖醋調如糊先揩破癬瘡然  
後塗藥候乾洗之

治諸癬七星散方



乾蠍柴節者

白殭蠶直者各柴枚

右二味搗羅為散每服三字用好酒一盞入羊蹄根汁并蜜少許調服晡時一浴仍用羊蹄根滓揩浴

治一切風癬及諸般癬瘙痒搔之不已者備急羊蹄根塗方

羊蹄根二日草烏頭

右二味淨拂多人行塲土滴好醋先磨草烏頭約一分次磨羊蹄根二分爬發令痒以指點藥抹之仍喫煮腎散相為表裏煮腎散方在前第六方

治一切乾濕癬白礬塗方

白礬壹兩研為末

右一味用醋調如糊塗摩癬上日三五度即差

治一切乾濕癬炙魚塗方

魚不問色目

右一味火上炙皮微焦乘熱去皮骨取肉研塗癬上

日三五度即差

治一切癬半夏散方

半夏貳兩

右一味搗羅為散以陳醬汁調和如糊塗摩癬上日

兩三度即差



治一切癬艾汁塗方

艾壹兩  
細剉

右一味以醞醋半升煎取濃汁去滓塗摩癬上日三

五度即差

治一切癬蒿穗傳方

蒿穗貳兩  
黃燥者

右一味搗羅為散以醋調和塗摩癬上日三兩度即

差

治一切癬楮汁塗方

楮木白汁不拘  
多少

右一味先以新布揩癬微破然後塗藥日二上即差  
治一切癬桃葉汁塗方

桃葉壹兩  
日中時採

右一味研絞取汁塗摩癬上日三度即差

治久患濕癬不差蛇牀子散方

蛇牀子

黃連去須

膩粉

右三味等分為散用小油調塗之膩粉多入不妨

治濕癬痒搔之有黃水殺蟲盧會散方

盧會壹兩  
研

甘草半兩

右二味為散和勻先用淡漿水洗後用藥不過三兩



度

治多年濕癬荆芥散方

荆芥穗不拘多少

右一味以瓦罐子盛鹽泥固濟只留一竅用炭火燒候出清煙便撥去火用濕泥塞了竅子放冷取出碾為細散每用末五錢匕入麝香一錢匕膩粉五錢匕同研勻細先以口含鹽漿水抓洗令破帛子搵了生油調藥塗之

治濕癬英粉散方

英粉炒黑細研貳兩

藜蘆去蘆頭為末

馬腸根為末各壹分

右三味和研令勻用生油調如粉塗癬上日三度

治濕癬痒不可忍黃蘗散方

黃蘗去麤皮

黃連去須

胡粉研各壹兩

右四味搗研為散先以米泔清洗淨拭乾傅藥日三兩度即差

治乾癬積年痂厚搔之黃水出遇陰雨即劇方

巴豆壹枚

右一味於炭火上燒之令脂出即於芥上以脂研之如杏人沫薄塗之不過一兩度差



治濕癬方

右於日未出時取獨行羊蹄根不得令見風切搗如泥著少鹽於日中暴兩食久塗之

又方

右用鯽魚一頭淨拭並全使將石硫黃一兩粒如雞頭實大送入口中令深入魚腹然後用淨搏一口安於竈下灰火中翻覆煇令魚乾焦黃色碾作末入膩粉二錢匕拌令勻生油調塗瘡疥

治一切癬瘡方

烏蛇半斤以酒浸壹宿取肉炙乾

羌活去蘆頭肆兩

麝香壹錢研

右三味搗羅前二味為散入麝香同研每服二錢匕空心溫酒調下日三服

治疥癬苦參丸方

苦參肆兩

玄參

山梔子人

獨活去蘆頭各貳兩

黃連去須壹兩半

黃芩去黑心

枳殼去麩炒

大黃剉炒

防風去

菊花各壹兩

右一十味搗羅為末鍊蜜為丸如梧桐子大每服三十丸煖酒下



治疥癬五參散方

烏蛇去皮骨酒炙焦 麻黃去節 大黃各貳兩

白附子炮半兩 漏蘆去蘆頭壹兩半 沙參

玄參 五加皮剉 乾蠍去土炒

丹參 白殭蠶炒 羌活去蘆頭

甘草炙各壹兩

右一十三味搗羅為散每服二錢匕用薄荷湯調下

治諸瘡癬疥防風散方

防風去義 天麻各貳兩 陳橘皮湯浸去白焙壹兩

右三味搗羅為細散每服三錢匕空心酒調服

治諸疥癬久不差者徐長卿散塗方

徐長卿 苦參 附子生去皮臍

吳茱萸洗焙乾炒 旱蓮子 細辛去苗葉

石硫黃 菖蒲 半夏生用

右九味等分搗羅為細散先以油煎葱白色黃將油

和藥末塗仍先以湯浴了手腿並用被覆更將火桶

子安被內蓋令熱兩上差

治乾濕癬痒痛不可忍方

羊蹄根壹兩 黃連去須貳兩 蛇牀子半兩

右三味搗羅為末用臘月豬脂調令稀塗癬上良



治諸癬并面上風刺方

右取葛勒蔓草頭一把勿令人知鹽按塗瘡三五上  
永差面上瘡取子為末空心酒調下三錢匕

治白禿瘡荷葉湯方

裹鹽荷葉

藤瓢等

右二味剉碎水煎濃汁洗三五度差

治一切癬疥山梔子散方

右搗山梔子人為細末炒過以蜜蒸三五度了五更  
酒調下一匙頭許

治諸瘡癬黃麻散方

大黃

剉炒  
肆兩

天麻

羌活

去蘆頭  
各貳兩

右三味為細散酒煎三錢匕服

伐指

論曰瘡發指端爪甲脫落名曰伐指蓋爪者筋之餘筋  
骨熱盛注於指端故其指先腫熱焮痛結聚成膿甚則  
爪甲脫落世或謂之遭指淪指又名伐甲其實一也此  
病類於指疽然無蘊毒故色不黯黑雖久亦不殺人  
治伐指筋骨藏府中熱焮腫痛漏蘆湯方

漏蘆

去蘆頭

升麻

大黃

剉炒

黃芩

去黑心  
各壹兩

玄參

分



右五味麤搗篩每服五錢匕水一盞半竹葉二七片

同煎至一盞下芒消末一錢匕再煎沸去滓空心溫

服如已得利即去芒消

治伐指腫痛藍花湯方

藍花

漏蘆

去蘆頭

大黃

劉

升麻

黃芩

去黑心各壹兩

右五味麤搗篩每服五錢匕水一盞半竹葉二七片

煎至一盞下芒消末一錢匕再煎一沸去滓空心溫

服如已得利去芒消

治伐指雖無蘊毒筋骨中熱氣尚盛升麻湯浸方

升麻

甘草

各半兩

右二味細剉以水二升煎至一升去滓下芒消末半

兩攪勻溫浸指上數十徧冷即再暖以差為度

治伐指確砂餅方

確砂

末壹錢

白麪

兩

右二味研勻以唾和作餅子貼指上即差

治伐指掣痛醬蜜塗方

醬汁

壹合

蜜

兩

右二味和煎令沸稍熱塗傅日五七上即差

治伐指疼痛欲脫豬脂湯方



豬脂伍兩 鹽半兩

右二味先熬脂令沸下鹽攪勻溫浸指上即差

治伐指梔子湯方

梔子人兩 甘草各壹兩

右二味細剉以水二升煎至一升半去滓溫浸指上

日三五度差

治伐指麻黃湯方

麻黃去根 貳兩

右一味細剉以水二升煎至一升半去滓溫浸患指

日三五度差

又方

地榆貳兩

右一味細剉以水三升煎至二升去滓溫浸患指冷

即再暖

又方

芒消

右一味煎湯浸之以藥膏兩兩患指日三兩上差

治伐指腫痛漿水漬方

漿水

右取一升以鹽半兩和煎令沸溫浸患指日三五度



差

治伐指地龍散方

地龍乾者不拘多少

右一味搗羅為散以豬膏調傅患指日三兩上差

又方

梅核人  
不拘多少

右一味細研以米醋調傅患指日三五度差

治伐指為五藏氣流注十二經脉熱衝手指熱湯蘸方

右以熱湯急蘸五七度次以冷水浸之又復如此三

度便塗羊膽即差未成膿者此方甚効或以豬膽盛

伐指纏之亦得

治伐指粟米粉方

粟米粉不拘多少

又右一味入鐵鑪中熬赤以衆人唾調塗患指厚半寸

日三上即差

又方

鹽不拘多少

右一味以小便調塗患指上以故帛裹之一二日用

鑱鍼刺血再塗即差

治伐指卒腫痛不可忍方



酒糟不拘多少

右一味取晝夜裹之即差

治惡指疼腫諸治不差方

楊藺菌子不拘多少

右一味以瓶子一枚先裝灰火了入菌子於上以紙

裹瓶口作一孔子將指頭入熏瘡

又方

以濕泥厚裹於瘡灰內煨令燥去泥皮皴愈

又方

以羊膽塗之即不結膿

又方

以糯米炒令焦脂和為膏貼之乾即易



大德重校聖濟總錄卷第一百三十七

Blank columns for text in the right-hand page.

大德重校聖濟總錄卷第一百三十八

瘡腫門

諸丹毒

癩瘡

肉刺

惡脉

追蝕一切瘡腫



廣濟一四卷

肉

惡

前丹毒

惡

諸丹毒

大醫心方卷一百三十八

諸丹毒

論曰熱毒之氣暴發於皮膚間不得外泄則蓄熱為丹毒以其色如塗丹之赤又復陽氣伏於皮中故謂之丹也熱氣慄悍其發無常處大則如掌甚則周流四體不急治或至壞爛出膿血若發於骨節之間則支斷如截毒氣入腹則能殺人治法用鎌割明不可緩故也治丹毒遊走及魚臍瘡礪砂丸方

礪砂 研

雄雀屎

桂 去麤皮

獺膽 去膜

砒黃

丹砂 研細各壹分

麝香 研壹錢

白蠟 壹兩半

天南星 參分



鴉鵒背兩

右一十味除蠟外搗研為末先將蠟於瓷器內慢火

上鎔下藥調為丸如梧桐子大先用鍼撥破瘡口入

一丸醋調麩塗故帛貼兩宿痛止即揭去收藥丸可

再用

治丹毒遊走搗洗後漏蘆湯方

漏蘆去蘆頭

白欬

麻黃

去根節湯煮掠去沫

黃芩去黑心

升麻

白薇

芍藥

大黃剉

甘草

各壹兩

右九味麤搗篩每服五錢匕水一盞半煎至八分去

滓食後溫服至晚再服以差為度

治丹毒流移不定方

生羊肉牛肉亦得

右一味薄切作片貼丹上頻易

治丹毒發背諸腫方

馬齒莧

右一味熟搗傅之頻易不住者得藍淀和之更佳

治丹毒癰疽始發焮熱浸淫長大黃芩湯搗方

黃芩去黑心

升麻

黃連

去須

芎藭

大黃

甘草

各壹兩



當歸焙切

羚羊角鎊各半兩

甘草鎊

右八味細剉每用一兩以水五盞煎至三盞去滓下芒消半兩攪勻以故帛三兩重浸藥汁溫搗患處數十遍早晚用之以差為度

治丹毒吳藍湯搗方

吳藍壹兩

生地黃參分

升麻

石膏

黃芩去黑心

犀角鎊

白欬

梔子人

大黃各半兩

右九味細剉每用半兩以竹瀝一盞水七盞同煎至四盞去滓以故帛浸搗患處日五七次

治丹毒升麻湯搗方

升麻貳兩

漏蘆

黃芩去黑心各參兩

梔子去皮壹兩

右四味細剉每用半兩以水五盞煎至三盞去滓下芒消二錢匕攪勻以故帛三兩重浸湯中溫搗患處數十遍日兩次

治風丹胡粉塗傅方

胡粉

赤小豆

糯米

山茱萸

黃連去須各壹兩

水銀半兩

右六味除水銀外搗羅為散生油調如糊後取水銀



於掌中以津唾研如泥入藥內研勻先以椒湯洗丹  
上拭乾用藥塗傅日三兩徧

治赤黑丹羚羊角散塗傅方

羚羊角燒灰  
參兩

右一味研為散以雞子白調如糊塗傅患處日三兩

次

治丹毒如手掌大身體赤發痛痒微腫赤小豆塗傅方

赤小豆

右一味搗羅為末以雞子白調如糊塗丹上乾即易

治赤黑丹鹿角散塗傅方

鹿角燒灰  
伍兩

右一味細研為散鍊豬脂調和塗患處日三次

又方

豬屎燒灰

右一味細研為散以雞子白旋調如糊塗傅丹上日

三五次

又方

豉壹兩

香薷

蓼葉各半  
兩

右三味合和入酒少許細研成膏塗患處乾即易

治丹毒徧身赤腫生蘿摩汁塗傅方



生蘿摩

右一味搗絞取汁塗丹上日三五次

又方

芫蔚草

蛇啣草

慎花草各壹兩

右三味剉搗令熟水調傅患處日數次

又方

惡實根伍兩取時勿令見風及雞犬

右一味剉搗令熟水調傅患處乾即易

治一切丹疹方

生蛇啣草剉

生地黄切

慎花草

五葉草

水萍

豉

大黃生剉

山梔子人

黃芩去黑心

芒消碎

五葉藤

右一十一味但得一味不拘多少搗貼之即差乾即入雞子清少許調

治諸丹毒方

右取芸薹汁入大黃末芒消生鐵衣相和塗之佳

治火丹熱毒之氣五色無定宜先宣轉然後用藥雞蘇

塗方

搗生雞蘇厚塗之



又方

擣苧麻根傅之

又方

赤小豆一升羊角一對同燒存性為末和蜜傅之

又方

研豉和屋塵等分以苦酒調傅之

又方

水磨羚羊角服之妙

又方

取連錢草以鹽接傅之

癩瘡

論曰經謂汗出見濕乃生癩瘡蓋熱盛汗出陽氣發泄而腠理疎反以寒水洗浴則熱氣內鬱於皮膚之間輕則為癩重則為瘡也世俗通謂之癩子瘡其狀皮肉如毫鍼所刺遍體細瘡如麩片愈而復發者是也

治癩子癢痒棟花粉傅之方

苦棟花不拘多少焙乾

右一味擣羅為細末入蚌粉滑石末各少許研勻日

頻傅之

治癩子磨破成瘡宜用止痛生肌赤石脂散方



赤石脂細研 黃蘗去麤皮剉 臘茶未各半兩

白麩貳兩 龍腦半錢細研

右五味搗研為細散每用時綿搵撲之

治夏月痲子葛粉方

葛粉參兩 甘草生用為末壹兩 石灰微炒半兩

右三味研細末每用時綿搵撲之

治痲瘡痒痛龍腦粉方

龍腦壹錢 粟米粉伍兩

右二味研細末先用棗葉湯洗後綿搵撲之

治夏月痲瘡丹聖散方

右取舊屋梁上刮取舊赤白羅末傅之

治夏月痲盛滑石粉方

滑石研 菜豆粉研 棗葉乾者為末各壹兩

右三味合研為細末徧傅之

治暑月肌膚瘡爛或因搔成瘡者取乾壁土搽細末傅

之隨手即差

肉刺

論曰肉刺者生於足指間形如鞭胝與肉相附隱痛成刺由靴履急穿相摩而成

治肉刺方



肥皂莢

壹

無食子

參

右二味同燒令煙斷細研以醋米醋於砂盆中別磨  
端皂莢如糊和末傅之

治肉刺方

薰陸香

石硫黃

右二味等分同研令勻塗肉刺上以燒釵烙之効

治肉刺方

豬脰

楓香脂

細研

右三味先研豬脰令爛次入楓香脂末相和成膏挑  
剔刺處令淨以藥傅之

治肉刺方

柏木上白膠

松脂

各壹兩

黃蠟

兩

右三味同於火上鎔成膏候冷貼之用物繫定

治肉刺方

蟾酥

伍片湯中浸濕

膩粉

壹錢

右二味將蟾酥於盆子中以膩粉同和令勻先用鍼  
撥破頭邊然後塗藥密裹之

治肉刺久不差方

松脂

乳香

各壹分

右二味同研令勻細先用鍼撥破後以藥傅之密封



繫二根同符令已膿去根餘餘餘餘以藥抄之淨性

治肉刺結鞭方

右用鍼挑破以雞子白點三兩度即落下

治肉刺方

右搗白芥子如粉以醋調傅之密封繫經宿揭去自

然落下

治肉刺方

右用羊腦髓傅之驗

取肉刺方

右搗烏梅肉和醋封之當日拔根出永除

取肉刺方  
右以礪砂少許和膠令消勻貼之根即出

惡脉

論曰惡脉之病其狀赤絡忽起龍從而聚若死蚯蚓之  
狀又若水在脉中長短隨絡脉所生得之春冬惡風入  
於絡脉而不散則血脉瘀結而成是疾久不治則結脉  
變為癭病

治惡脉腫毒毒氣攻脉中卒腫痛結作核或似癰瘡而  
非時使人頭痛寒熱氣急者數日不除五香湯加茱萸  
犀角湯方



木香

藿香葉

沉香

薰陸香

雞舌香

吳茱萸

犀角壹兩

右七味麤搗篩每服五錢匕水二盞煎至一盞去滓

空心溫服日晚再服其滓熱搗腫上冷即易之

治惡脉毒腫升麻湯方

升麻

壹兩

烏梅

肉貳兩

山梔子

人貳拾枚

右三味麤搗篩每服五錢匕水二盞煎至一盞去滓

空心溫服日晚再服餘滓熱搗患上

治惡脉腫毒木香湯方

木香

吳茱萸

洗焙微炒

升麻

薰陸香

雞舌香

雄黃

甘草

鼈甲

醋浸炙去裙襴

射干

各半兩

右九味麤搗篩每服五錢匕水二盞煎至一盞去滓

空心溫服日晚再服

治惡脉毒腫黃耆散塗傅方

黃耆

細剉肆兩

右一味搗羅為細散水調傅上日三五度

又方

漆頭菌茹

貳兩



右一味搗羅為細散水調傅上日三五度

追蝕一切瘡腫

論曰癰腫若寒多及毒深外證雖結聚鞞鞭不消疼痛難住未能潰化或已穿穴經久不差在外者須以藥蝕在裏者須以藥絀令毒氣發泄榮衛流通則癰疽得差矣所以有追引蝕癰之方

治癰疽腫未有頭疼痛不可忍透肌丸方

礪砂研

斑貓去翅足

烏頭尖

右三味等分搗研為末醋煮麩糊丸如小豆大捻令扁貼在瘡上却用膏藥花子蓋以透為度如惡物出

盡次用後方合瘡口生肌散

生肌散方

白礬

燒令汁盡壹兩

黃連末分壹

輕粉錢壹

右三味同研細不拘多少摻瘡口上候生肉滿膿水盡瘡口乾即止

治癰腫癰毒出膿疼痛追膿散方

濕生蟲

五拾枚瓦上煨乾

小麥伍拾粒

麝香

研半錢七

右三味搗研為末每用一字絀在瘡內治腫毒未成頭熱痛方



疥蟻不計多少

右一味生研細入少麩并醋三兩滴調紙花子上攤剪一眼子時以水潤覺藥力盡再用候痒揭去自然膿出

治癰疽已潰蝕惡肉追毒丸方

巴豆

去皮心膜拾肆枚

白丁香貳拾壹枚

豆豉

貳拾壹粒

屍盤蟲柒枚

右四味同研細滴水丸撚如雀糞大經瘡內追汁盡即止

治瘡癰癰疽等無頭者通關膏方

乳香

輕粉各等分

右二味研勻津唾調塗腫處以紙貼之

治癰疽瘡癰未有頭射瘡壞膿丸方

砒霜半錢

白礬

鉛丹各壹字

右三味同研細以麩糊丸如麻子大先於毒處安藥一丸外以膏藥花子掩定微覺痒痛即膿出

治一切癰瘡未破敗毒丸方

巴豆

去皮心膜參枚

鉛丹許少

右二味同研入生麩少許再研勻丸如麻子大每以一丸安瘡口外以膏藥貼之膿即出



治癰癤多日不熟無頭者栝樓酒方

栝樓壹枚

甘草貳寸

右二味剉碎用酒一盞水一盞量人虛實入膩粉少

許煎三五沸去滓臨臥溫服夜半踈動一行其瘡自

消

治癰未有頭使必穴方

茅錐拾枚尖正全具者

右一味以水煎十數沸服之立潰若兩莖即生兩孔

或斷折一錐為二亦兩孔

治癰疽發背熱毒攻熈肌肉赤色疼痛欲成膿令速潰

丁香散方

丁香

赤小豆

各半兩

寒水石

貳兩

羊桃根

消石

研

大黃

各壹兩

木香

白欬

榆皮

剉

防已各參分

右一十味搗羅為散先以雄雀屎七粒乳香一小塊

細研以醋調和塗瘡頭上以醋調藥末如糊攤故帛

上貼之乾則易

治發背癰疽一切瘡腫未潰疼痛寒熱渴躁不食解毒

犀角散方



犀角 分 鎊壹

人參

甘草 炙

栝樓 實 一 四 分

大黃 半 兩 沙 各

芎藭 兩 壹

赤茯苓 去 黑 皮

葛根 剉

檳榔 生 剉

木香 各 參 分

右一十味搗羅為散每服二錢匕粥飲調下以差為

度

治腫毒及癰癤不穴葱香塗傅方

煨葱 壹 壹 莖

乳香 如 棗 核 大 壹 粒

右二味爛研塗腫上即潰

治癰癤無頭噉葵子方

葵子 壹 合

右以津噉三五粒多噉即頭出多假令噉一粒即穿

一穴也隨癰癤大小不可過多

治癰腫速穿壞雀糞塗傅方

雄雀糞 貳 拾 壹 枚

右用醋研和如糊塗傅腫上膿便出未穴再塗即破

治熱癰腫結熱振熈欲作膿地黃膏塗貼方

生地黃 參 斤 細 切 搗 絞 取 汁

右一味於銅器內慢火煎攪成膏取傅腫處以故帛

塗貼之亦得日三五次易即潰



李順之小併日三五式具田節

本一和久險器內外大預測以高以物羅以以高品

李順黃

李順黃

本以謂粉味或味之新觀工觀野出亦六百李順粉

李順黃

李順黃

一穴出前無入小不百

本以謂三正路冬觀田更出冬到今觀一珠唯



大德重校聖濟總錄卷第一百二十八



